

CONTROVERSIARUM

DE CONCILIIS

LIBER QUARTUS

UBI DE NOTIS ECCLESÆ.

ius temporis de notis veræ Ecclesiae. Secundo explicanda et defendenda sententia Catholicorum.

CAPUT I.

*Tractationem de Notis Ecclesiae utilissimam esse.*

CAPUT II.

*Refellitur sententia hæreticorum.*

Superest Controversia de Notis veræ Ecclesie, quæ controversia utilissima est; Omnes enim confitentur, in sola vera Ecclesia esse veram fidem, verum peccatorum remissionem, veram spem salutis æternæ, adeo ut Cyprianus de simplicitate Prelatorum dieat: « Cum Deo manere non possunt, qui esse in Ecclesia Dei unanimes noluerint. Ardeant licet flammis, et ignibus traditi, vel objecti bestiis animas suas ponant, non erit illa fidei corona, sed pena perfidiae: occidi talis potest, coronari non potest. »

Similia docent omnes Patres, nec hæretici ea negant; Nam idcirco omnis hæresis ad se solam trahit veram Ecclesiam, et alios omnes extra Ecclesiam ponit, ut his verbis Lactantius docet lib. IV, cap. ult. divinarum institutionum: « Sola Catholica, inquit, Ecclesia est, quæ verum cultum retinet. Hic autem est fons veritatis, hoc est, domicilium fidei, hoc templum Dei, quo si quis non intraverit, vel a quo si quis exierit, a spe vite, ac salutis æternae alieni est. Sed tamen singuli quinque hæreticorum cœtus se potissimum Christianos, et suam esse Catholicam Ecclesiam putant ». Itaque si in hac controversia conveniremus, relique omnes facile compонerentur. Duo igitur tractanda sunt. Primo refellenda sententia hæreticorum hu-

Quantum ad primum, Lutherus in libro de Conciliis et Ecclesia, in ultima parte libri propositum has septem notas. Primo, veram, et incorruptam prædicationem Evangelii. II. Legitimam administrationem Baptismi. III. Legitimum usum Eucharistie. IV. Legitimum usum clavium. V. Legitimum electionem ministrorum, qui doceant, et Sacramenta ministrent. VI. Orationem publicam, et Psalmodyam, et Catechismum, sed lingua, quæ intelligatur ab omnibus. VII. Mysterium crucis, id est, tribulationes intus et extra, ita ut intus sit mestitia, pusillanimitas, terrores; foris, paupertas, contemptus, et ut habeantur ab hominibus hæretici, caedæmones, catharmata.

Notandum vero est, Lutherum valde causisse, ne ullam notam reciperet earum quæ sunt in Symbolo Constantinopolitano, cum tamen omnia vetera Concilia per eas notas, maxime per Apostolicam Ecclesiam se discerni vellent ab omnibus sectis. Porro certi solent duas tantum proponere, quæ complectuntur primas quinque notas Lutheri, id est, prædicationem sinceram verbi Dei, et sincerum usum Sacramentorum; et ex his

duabus qualibet secta probat apud se esse veram Ecclesiam. Ita docet Confessio Augustana, art. 6. et in Apologia ejusdem; item Brentius in Confessione Wirtembergensi capite de Ecclesia, et Joannes Calvinus in Institut. lib. IV, cap. 4, §. 9, 10 et 11. Centuriatores, Cent. I, lib. I, cap. 4, col. 173 et 174. et Cent. I, lib. II, cap. 4, colum. 379, 380 et 381. hic duabus addunt alias duas, quae possunt reduci ad quintam, et septimam Lutheri, id est, constantiam in confessione fidei, sive perseverentiam; et obedientiam erga ministros verbi, quatenus verbum ipsum administrant.

Haec nota non sunt ullo modo sufficientes. Nam in primis non declarant, quae sit vera Ecclesia secundum hereticos, nisi probabiliter; non enim hinc scire possumus, qui sint electi, vel justi, et potius discimus, ubi latet Ecclesia, quam quae sit. Præterea, neque hoc sufficienter declarat. Id quod de singulis facile probari potest.

Ac primum de prima, tribus rationibus. Primum enim, notae debent esse propriae, non communes. Si enim velim designare ubi certum hominem, cum numquam vidisti, ut mox atque eum videris, discernas ab aliis, non debo dicere, est quidam qui habet duos oculos, duas manus etc. nam haec sunt communia omnibus. Neque etiam debo eum designare per notas, quae licet sint ei propriae secundum rem, tamen non sunt propriae opinione aliorum, cum multi sibi illas vendicare soleant. Sic enim numquam ille, qui queritur, inventetur.

Jam vero sincera prædicatio veritatis est nota communissima omnibus sectis, saltem opinione ipsarum. Nam vel debet esse prædicatio pura ab omni errore, vel solum ab essentialibus, et fundamentalibus; Si detur primum, ex hac ipsa nota colligemus, apud nullos Lutheranorum esse Ecclesiam; nam ipsi fatentur suas Ecclesias non carere nensis. Lutherus libro de Ecclesia clare dicit, verbum Dei esse notam, licet alias magis, alias minus pure prædictetur; et Calvinus idem fatetur, lib. IV Inst. cap. 4, §. 12. Si secundum, jam erit nota communis multis sectis. Certe Lutherani, et Zwingiani non dissentient de fundamento precipuo fidei, ut de Trinitate, et Incarnatione. Imo etiam Pelagiani veram Ecclesiam habuissent, qui in primis articulis, antequam Nestorianos peperissent, non dissentiebant. Unde etiam Coelestinus apud Augustinum lib. II de pec-

cato originali cap. 22. hac ratione conabatur ostendere se non esse extra Ecclesiam; et tamen Lutherani, et Calvinistæ nullos magis execrantur, quam Pelagianos; et nos imo potissimum ponunt extra Ecclesiam, quia Pelagianos putant.

Præterea hoc secundo modo, etiam si ipsa aliquibus non conveniat haec nota, ut Anabaptistis, tamen omnibus convenienti opinioni sua. Quae enim secta unquam fuit, quae non diceret se habere sinceram prædicacionem veritatis? Certe Augustinus lib. contra epistolam fundamenti cap. 4. dicit, Catholicam quidem Ecclesiam multis notis facil cognosci, sed hereticos nihil habere nisi veritatis pollicitationem, id est, quod apud se sit vera, et sincera prædicatio.

Secundo, Notæ debent esse notiores ea re, cujus sunt nota, aliquo enim non sunt nota, sed ignota. Jam adversaria non volunt solum externam prædicacionem verbi esse notam Ecclesiae, sed prædicacionem, et receptionem. Ibi enim dicunt esse veram Ecclesiam, ubi prædicatur, auditur, et creditur verbum. At quis nosse potest, ubi vere creditur verbum? Præterea etiam de externa prædicacione. Sine dubio notum est, que sit vera Ecclesia, quam quae sit vera prædicatio verbi; nam id ab Ecclesia discimus, ut Irenæus, Tertullianus, Augustinus, et omnes veteres docent.

Irenæus lib. III, cap. 4: « Quid enim, inquit, et si de aliqua modica quaestione disceptatio orta fuisset, nonne oportaret in antiquissimas recurrere Ecclesias, et ab eis sumere de presenti quaestione, quod certum et re liquidum est? Tertullianus libro de præscript.: « Quid, inquit, prædicaverint Apostoli, quid illis Christus revelaverit, et hie perscribunt non aliter probari debere, nisi per easdem Ecclesias, quas ipsi Apostoli considerunt: si hec ita sunt, constat proinde omnem doctrinam, quae cum illis Ecclesias Apostolicis, et matricibus, et originalibus fidei conspiret, veritati deputandam, reliquam vero omnem de mendacio præjudicandam. »

Idem ratione ostenditur; nam vera prædicatio, est prædicatio, et interpretatio verae Scripturae divine; Quia sit autem vera Scriptura, et quis ejus verus sensus, non possumus scire, nisi ex testimonio verae Ecclesiae, ut Augustinus docet, lib. contra epist. fundamenti, cap. 5. et lib. de utilitate credendi, c. 14. et ipse quoque Brentius in Confessione

Wirtembergensi, cap. de Scriptura, qui confitetur Ecclesiam habere jus testificandi de vera Scriptura, et etiam interpretandi veram Scripturam; et Calvinus, lib. IV, cap. 1. §. 5. vult Ecclesiam esse fidem custodem verbi Dei, et Philippus in Locis, capite de Ecclesia, requiri testimonium vera Ecclesiae ad dirimendas lites. At prius debet esse notus custos Thesauri, quam Thesaurus; et Doctor, quam doctrina, cum a Doctore petatur doctrina, non contra. Ergo potius Ecclesia est nota vera prædicacionis, quam vera prædicatio sit nota vera Ecclesie.

Tertio, vera Notæ sunt inseparabiles a vera Ecclesia: sed Ecclesia Corinthiorum et Galatarum, ad quas scribebat Paulus, vera Ecclesia erant, et tamen ibi non erat aliquando sincera prædicatio verbi, ut ex Apostolo cognoscit potest, qui dicit se scribere Ecclesias Dei, quae sunt Corinthi, vel in Galatia, I. Corinth. I. et Galat. I. et tamen I. Corinth. XV. arguntur Corinthi, quod docerent non esse futuram resurrectionem, et Galatae per totam fere epistolam reprehendunt, quod docerent, servandam esse legem Mosis cum Evangelio.

Sed Dices, quomodo erant istæ vera Ecclesia, cum hæresim docerent? Respondeo, aliud esse errare, et paratum esse ad discedendum, et cum didiceris, ad obediendum; aliud nolle discere, et cum audieris veritatem, nolla acquiscere. Neutrum horum esse potest in Ecclesia universalis; in Ecclesia autem particulari esse potest illud primum, in neutra autem illud secundum, sed solum in Synagogis Satanae, et Ecclesiis malignantium. Rursum, esse potest pura doctrina ab omni errore in falsa Ecclesia; nam schismatici pri ut quandam Luciferiani et Donatistæ, initio integrum habent doctrinam, et tamen sunt extra Ecclesiam. Si dicant non habere integrum doctrinam, quia doctrina vera docet manendum in vera Ecclesia unitate: contra; Nam schismatici credunt et docent oportere esse in vera Ecclesia, et obedere vero capit, licet non faciant; et proinde non errant in fide, sed deficient in charitate. Verum est tamen schisma, si diu duret, tandem in hæresim declinare.

At Objiciunt pro hac nota Brentius, Philippus, et Calvinus quedam loca Scripturæ. Joan. X: *Oves meæ vocem meam audient* (1): Ergo ibi est Ecclesia, ubi auditor verbum

Dei. Item ad Ephes. V: *Mundans eam lavare aquæ in verbo vita* (2). Ecclesia mundatur verbo, ergo ubicumque est verbum mundans, ibi est Ecclesia. Ita Philippus in Apologia. At Calvinus lib. IV, cap. 1, §. 9. contentus est illo Matth. XVIII: *Ubi sunt duo, vel tres, etc.*

Brentius in confessione capite de Ecclesia, profert illud Joan. X: *Illos dixit Deus, ad quas sermo Dei factus est. Et illud XV. cap. : Vos mundi estis propter sermonem, quem locutus sum vobis. Illa enim est Ecclesia, quæ est mundu coram Deo. Et illud Rom. I: Evangelium virtus Dei est in salutem omni credenti* (3). Addit Chrysostomum hom. 49. in Matth.: « Qui ergo vult cognoscere, quæ sit vera Ecclesia Christi, unde cognoscat, nisi tantummodo per Scripturas? » Et Augustinus epist. 166: « In Scripturis didicimus Christum, in Scripturis didicimus Ecclesiam etc. » Item lib. de unitate Ecclesia, cap. 2: « Questio inter nos versatur, ubi sit Ecclesia; quid ergo facturi sumus in verbis nostris eam quesituri, an in verbis capitii sui? puto quod potius in illius verbis eam quærere debamus, qui veritas est, et optimè novit corpus suum. Et cap. 3: « Non audiamus, hæc dico, has dicas; sed audiamus, hac dicit Dominus. » Et infra: « Nolo hominis documentis, sed divinis oraculis sanctam Ecclesiam demonstrari. »

Respondeo. Primus locus non docet ubi sit Ecclesia, sed docet, qui sint electi, nimis rursum qui corde perseveranter audiunt, et retinent verbum, ut exponit Augustinus; Cum autem non possit sciri, qui corde audiunt, non potest hec esse visibilis nota Ecclesiae, sed est nota unicuique ut saltem conjecturaliter cognoscat suam electionem.

Secundus locus nihil probat; nam illa mandatio est invisibilis, nec Paulus ibi vult docere, quae sit, vel ubi sit Ecclesia, sed quid boni Deus confulerit Ecclesie.

Tertius, non demonstrat ubi sit Ecclesia sed ubi sit Christus. Ubi enim est vera Ecclesia, ibi est Christus: Præterea si congregari in nomine Christi sit nota Ecclesia, certe non erit congregari quomodo cumque in nomine Christi, sic enim omnes hæreses, et schismata congregantur in nomine Christi: sed erit congregari ab illis, qui funguntur Christi auctoritate, quales sunt Episcopi legitime ordinati, et succedentes aliis et aliis

(1) Joan. X, 16. — (2) Eph. V, 26. — (3) Joan. X, 35; XV, 3; Rom. I, 16.

usque ad Apostolos, quos Christus primo reliquit loco suo. Et sic ista nota coincidit cum nostris, de quibus postea.

Quartus locus nihil probat. Primo, quia ibi dicuntur Dii soli Principes, quibus Deus aliquid commisit; id enim est fieri ad aliquem verbum Dei. Secundo, quia verbum Dei non facit Deos, si tantum predicitur, sed si recipiatur, et credatur: At hoc invisibile est, ut patet.

Quintus locus est similis secundo, unde idem Brentius dicit, Ecclesiam esse mundum coram Deo, id est, non coram hominibus; et non advertit ex hac nota sequi, illam fieri Deo manifestam, non nobis.

Sextus locus nihil probat; nam effectus Evangelii est invisibilis.

Sed instat Calvinus, Verbum Dei est ferox, et ubicumque predicitur, fructificat, ergo ubicumque predicator, ibi est aliqua Ecclesia.

Respondeo. Si quid probat haec ratio, tantum probat, ubi predicator, ibi esse aliquos bonus; sed nos illos non novimus. Sed neque hoc probat; nam verbum Dei semper fructificat, cum legitime predicator, id est, a predicatoribus missis ab ordinaria potestate: Alioqui videmus predicator inter hereticos variarum sectarum ubi non fructificat nisi lolum. Ad locum Chrysostomi jam sive respondimus. Ad loca Augustini respondeo, ex Scriptura probari, ubi sit Ecclesia, non tamquam ex nota Ecclesie, sed quia Scriptura docet, quis sint nota dum docet, qualis illa sit, ubi cooperit, quomodo creverit.

Dices, saltem scriptura est notior, quam Ecclesia, quandoquidem inde, probatur Ecclesia.

Respondeo. Simpliciter Ecclesiam esse priorem, et notiorem, quam sit Scriptura. Nam Ecclesia fuit ante Scripturam, et ipsi data est Scriptura a Deo, et ipsa eam aliis tradit, et explicat: tamen aliquando ex hypothesi Scripturam esse notiorem, quando videlicet Scriptura est recepta, et clare loquitur, et oritur questio de ipsa Ecclesia. Sicut interdum e contrario Ecclesia est recepta, et nota, et quiesco oritur de Scriptura: et sic nunc probatur ex altero: verbi gratia quando disputabatur de Baptismo hereticorum, quia Scriptura obscure loquitur, et Ecclesia nota erat, Augustinus probat secundum Scripturas ratum esse Baptismum hereticorum, quia Ecclesia illum habet pro rato. Contra, cum disputabatur de Ecclesia,

an esset in sola Africa, quia Scripturae receptae et clare erant, inde Augustinus probabat et idem nos faciemus, cum deducemus notas Ecclesie ex Scripturis, sed non propterea Scriptura est simpliciter notior, quam Ecclesia.

Secunda nota iisdem argumentis refutatur Nam Primo eam sibi omnes vindicant: nam praeceptor Catholicos, Calvinista ideo separati sunt a Lutheranis ceteris, quod utrique putant, se solos habere verum Sacramentum Eucharistie. Anabaptiste autem separati sunt ab utriusque, quia se solos putant habere verum usum Baptismi. Preterea Pelagiani habent omnia Sacra menta, et similiiter omnes schismati. Secundo, legitimus usus Sacramentorum minus notus est, quam sit Ecclesia. Nam ille est legitimus Sacramentorum usus, qui est conformis Scriptura, ut ipsi docent: Scriptura autem pendens ab Ecclesia, non contra, ut sive diximus. Tertio, Ecclesia Corinthiorum erat vera Ecclesia, et tamen I. Corinth. XI. reprehenduntur Corinthii, quod non sincere tractarent principium Sacramentorum, et similiiter Ecclesia Africana, qua erant sub Cypriano, et sub illis 86 Episcopis, quorum sententias ipse refert in epistola ad Quirinum, vera Ecclesia erant, ut beatus Augustinus lib. VI, cap. 7. de Baptismo, et beatus Hieronymus contra Luciferianos docent; et tamen non sincere tractabant Sacramentum Baptismi, contra Hieronymus et Augustinus ibidem docent.

Tertia nota refutanda, est oratio et psalmodia qua est sexta Lutherana. Refellitur autem, quia si loquatur in invocatione, quae ex corde procedit, invisibilis nota est, si de externa tamen invocatio et psalmodia, est nota communissima. Nam hoc tempore omnes secta, etiam Anabaptistarum, dicunt orationem Dominicanum, et canunt Psalmos lingua vulgari, et idem olim faciebant Ariani, ut refert Socrates lib. VI, c. 8. et Ambrosius de tradendis basilicis. Imo hoc tempore nota vera Ecclesia fere dici potest, canere Psalmos lingua Latina, quia hoc relatum videtur ferme soli antiquae, et Catholicae Ecclesie, quae non mutatur quotidie, ut secte hereticorum.

Quarta nota refellenda, est septima Lutherana, nimirus interna mortititia, pusillanimitas, externe persecutions, et vocari hereticorum. Ac de internis falsissima nota est, nam obscure sunt, si internae sunt. Item

pusillanimitas est vitium, et Paulus ubique hortatur ad internam laetitiam, et dicit regnum Dei esse gaudium in Spiritu sancto. Vide Rom. XIV, Coloss. III, Philipp. IV, Ephes. V. De externis non est nota perpetua; nam Ecclesia in principio et in fine passa est magnas angustias: at in medio florentissima fuit: et omnia predicta sunt. Vide Augustinum epist. 30.

Quinta nota est Centuriatorum, quod ea sit vera Ecclesia, in qua inveniuntur qui perseverant in confessione fidei usque ad mortem. Que refellatur Primo, quia non magis nota est confessio vera fidei, quam vera Scriptura predicationis, et legitimus Sacramentorum usus.

Secundo, quia ex hac nota colligeretur vera Ecclesia non posse esse ullo modo apud Lutheranos. Ipsi enim dicunt, per multa secula ante Lutheri adventum cessasse confessionem verae fidei, et Ecclesiam conservatam in latebris, et fuisse prorsus invisibile, ergo Ecclesia Lutheranorum est nova, et proinde falsa.

Tertio, quia hanc notam videmus in omnibus seculis, et in nulla minus, quam in cœtu Lutheranorum; nam in primis Ecclesia nostra habet innumerabiles martyres, qui perseverarunt constantissime in confessione fidei; deinde Montanistæ valde gloriantur de suis martyribus, ut patet tum ex Eusebii lib. V, hist. cap. 18. tum ex Tertulliano in lib. de fuga in persecutione, quem scripsit, cum Montanista esset, contra Catholicos, objiciens eis quod male facerent fugiendo.

Item Massaliani apud Epiphanius heræs. 80. ideo dicti sunt etiam Martyriani, quia gloriantur valde de numero martyrum suorum. Idem de Donatistis constat. S. Augustinus epist. 68: «Viveant, inquit, ut latrones, honorantur ut Martyres.» De Anabaptistis, qui erant tempore B. Bernardi, scribit ipse serm. 66. in Cantica: «Mirabantur, inquit, aliqui quod non modo patienter, sed etiam leti ducerentur ad mortem.» De Adamitis scribit Eneas Sylvius lib. de hist. Bohemorum, cap. 41. viros cum fœminis conjugibus suis latos, atque eanentes properante solitos ad ignem. Hoc vero tempore nostro nemo ignorat nec obstinatio moriendo pro perfidia, primum locum tenere Anabaptistas, secundum Calvinistas, extremum ac pene nullum meros Lutheranos, qui

tamen hanc notam vera Ecclesie soli propounderunt.

His igitur notis breviter refutatis, restat ut veras notas proponamus. Est autem initio observandum, Ecclesiam Catholicam esse quasi solem quendam, qui radios lucis clarissimos ex omni parte diffundit, ut facillime per eos cognosci possit. Habet enim plurimas notas, sive testimonia, ac signa, que eam discernunt, ab omni falsa religione Paganorum, Judeorum, Hereticorum: et non quidem efficiunt evidenter verum, ipsam esse veram Dei Ecclesiam; sed tamen efficiunt id evidenter credibile; nec enim est idem evidenter credibile; nec enim est idem evidenter verum, et evidenter credibile. Nam evidenter verum dicitur, quod vel in se, vel in suis principiis videtur; evidenter credibile illud dicitur, quod non videtur nec in se, nec in suis principiis, habet tamen tot, et tam gravia testimonia, ut quilibet vir sapiens merito id credere debeat; ut si judex videat hominem a latrone occidi, vel vulnerari lethaliiter, et postea mori, habet evidenter veritatem, quod illi latro sit homicida; si autem eadem fieri non videat, sed habeat videnti testes viros gravissimos, qui dicunt se vidisse, habet evidenter credibilitatem.

dicimus ergo, notas Ecclesie, quas adferemus, non facere evidenter veritatem simpliciter, quia aliqui nulli inveniuntur, qui id negant, sicut nemo invenitur, qui negat sententias, quas Mathematici demonstrant; sed tamen efficiunt evidenter credibilitatem, juxta illud Psalm. XCII: *Testimonia tua credibilia facta sunt nimis (I).* Apud eos autem, qui admittunt Scripturas divinas, et historias, ac Patrum veterum scripta, faciunt etiam evidenter veritatem. Tametsi enim articulorum fidei veritas non potest nobis esse evidens absolute, tamen potest esse evidens ex hypothesi, id est, supposita veritate Scripturarum. Quod enim a scriptura evidenter deducitur, est evidenter verum, superpositis Scripturis.

Porro haec notae a variis varie nominantur, et numerantur. B. Augustinus lib. contra epist. fundamenti, cap. 4. sex notae ponit. B. Hieronymus contra Luciferianos in fine, duas. Vincentius in suo commonitorio, tres.

Ex recentioribus Driedo lib. IV, cap. 2, part. 2 de Eccles. dogmat. et Petrus a Soto prima parte defensionis, cap. 44, et sequentibus, alias tres. Cardinalis Hosius in explicatione symboli, quatuor. Nicolaus Sanderus lib. VIII de visibili monachia, cap. 30, alias sex. Michael Medina lib. II de recta fide ponit decem : et lib. VII, cap. 26. addit undecim. Cuneras Petri in libello de notis Ecclesiae ponit (ni fallor) duodecim, nec enim, cum haec scriberemus, libellum ejus habebamus in manibus.

Nos quindecim Notas proponemus, que, si quis velit, poterunt aliquo modo revocari ad illas quatuor, que communiter recentioribus assignantur ex Symbolo Constantinopolitanis, Unam, Sanctam, Catholicam, et Apostolicam.

## CAPUT IV.

*Explicatur prima Nota.*

Prima Nota, est ipsum Catholicæ Ecclesiae et Christianorum nomen : nam, ut S. Augustinus docet lib. contra epist. fundamenti, cap. 4, etiam si omnis heres velit videri, et dic Catholica Ecclesia, tamecum interrogantur hæretici a paginis, ubi ad Catholicam conveniatur ? nemo audet domum suam ostendere, et Cyrilus catesches. 18. dicit : « Si iveris in aliquam urbem, non petas, ubi sit Ecclesia, vel dominus Dei ; nam etiam hæretici dicunt se habere dominum Dei, et Ecclesiam, sed petas, ubi sit Catholicæ Ecclesia ; id enim nomen proprium est hujus sanctæ Ecclesiae matris omnium nostrorum ; quasi dicat, si hoc petas, nullus hæreticus suam Ecclesiam ostendet. »

Pacianus in epistola ad Sympronianum, que est de nomine Catholico : « Certe, inquit, non est ab homine mutuatum, quod per secula tanta non cecidit. Catholicum istud, nec Marcionem, nec Apellem, nec

Montanum sonat, nec hæreticos sumit autores. » Et infra : « Christianus mihi nomen est, Catholicus vero cognomen ; illud me nuncupat, istud ostendit. » Et ibidem pulchre dicit, nomen Catholicum convenire capit principali, et truno illius arboris, unde multi rami variis temporibus exceduntur : secte enim hæreticas sunt rami, id est, partes quedam ab arbores Ecclesie præcessæ ; ipsa autem arbor, que sua radice nascitur, et semper eadem manet, et est quid totum, Catholicus dicitur. Similiter nulla est hæresis, que non accipiat nomen ab aliquo homine auctore suo, et nomen Christianum iis relinquat, a quibus discedit. Sic I. Corinth. III schismaticorum alii dicebant : *Ego sum Paulus, alii, ego Apollo, ali ei ego vero Cephas* (1).

Justinus in Triphone : « Et sunt, inquit, distincti cognominibus, denominati a quibusdam viris, ut quisque fuit auctor alcujus novæ doctrine. Ex his alii vocantur Marcionista, alii Valentini, alii Basilidiani, alii Saturnini, alii alio vocabulo, quisque a primo inventore sui dogmatismi. » Ireneus. I, cap. 20 : « Habent, inquit, et vocabula, a principe impissime sententia Simone dicti Simoniani. » Lactantius lib. IV, cap. 30. : « Cum Marcionista aut Ariani nominantur, Christiani esse desierunt, qui Christi nomine amissi, humana et externa vocabula induerunt. » Athanasius serm. 2. contra Arianos : « Numquam, inquit, populus ab Episcopis suis, sed a Domino, in quem creditum fuit, nomen accepit. Certe a beatis Apostolis præceptoribus nostris appellations adepti non sumus, sed a Christo Christiani sumus, et nuncupamur. Illi vero qui alunde originem sue fidei deducunt, merito auctorum suorum cognomina præ se ferunt. Quapropter cum a Christo omnes Christiani essemus, et diceremur, explosus est Marcion inventor hæresis. Reliqui autem qui remanserunt Christiani titulum retinuerunt : qui vero Marcionem secuti sunt, non jam inde Christiani, sed Marcionista appellati sunt. Ita quoque Valentini, Basilides, Manicheus et ceteri sectatoribus suis nomina impertierunt. »

Chrysostomus homil. 33. in acta Apostolorum : « Illi habent quosdam a quibus appellantur : prout enim hæresiarchæ nomen, ita et secta vocatur, nobis autem nullus vir nomen dedit, sed fides ipsa. »

(1) I. Cor. III, 4.

Hieronymus contra Luciferianos in fine : « Sicubi audietis eos, qui dicuntur Christiani, non a Domino Iesu Christo, sed a quoquo alio nuncupari, ut Marcionistas, Valentini, scilicet non Ecclesiam Christi, sed Antichristi esse Synagogam. » Jam ergo si nunc dieuntur alii Martinista, vel Lutherani, alii Zwingiani, alii Calvinista, etc. nos autem ab aliquo certo homine nemo unquam vocavit, constat nostram solum esse veram Ecclesiam.

At, inquit, vos vocamini passim, Papiste, Romani, vel Romanenses. Respondeo, etiam olim fuisse vocatos Catholicos hominianos, sed ista ipsa nomina veritati attestantur. Non enim sunt nomina alicuius novi auctoris, et hæresiarchæ, ut sunt ipsorum nomina : sed hominianus significat eum, qui credit Filium Patri consubstantiale, quod est dogma verissimum. Papista deducitur a Papa, qualis fuit etiam Petrus, et Christus ipse, ut notum est, Romanus autem, et Romanensis, etiam ante 1100 annos idem erat, quod Catholicus, ut patet ex Ambrosio in oratione de obitu Satyri. Ade, quod Chrysostomus hom. 33. in acta dicit, non esse malum si Catholicos denominantur ab iis, qui Ecclesiam gubernant nomine Christi, modo non denominantur ab aliquo homine particulari, sicut hæretici faciunt. Ubi videtur prævidisse nos vocandos quandoque Papistas. Ade, quod non vocarum Papiste, nisi a Lutheranis in Germania, et viciniis regionibus, non sic autem vocarum in Graecia, Asia, Africa, Indiis, ut interim omissam Italianam, et Hispaniam.

## CAPUT V.

*Nota secunda.*

Secunda Nota est Antiquitas; nam sine dubio vera Ecclesia antiquior est, quam falsa ; Quemadmodum Deus ante fuit, quam esset Diabolus. Quocirca Matth. XIII prius seminatum legimus fuisse bonum semen, quam zizania : et Ecclesia dicitur Catholicæ, quia omni tempore fuit, et similiter dicitur Apostolica, quia fundamenta ab Apostolis, et proinde antiquissima. Jam quod nostra Ecclesia sit antiquior omnium paganorum

conventiculis, imo quod nostra Scriptura sit antiquior ipsis Diis Gentilium, demonstrat Tertullianus in Apologetico, c. 49 et 20. et B. Augustinus lib. XVIII de civitate Dei, cap. 37 et 38. Quod autem nostra Ecclesia, quam adversarii Papistica vocant sit illa ipsa quam Christus instituit, et proinde velutior omnibus sectis hæreticorum, hac ratiocinatione concludi potest.

In omni insigni mutatione religionis semper ista fex demonstrari possunt. Primo, auctor ejus. II. dogma aliquod novum. III. tempus, quo cepit. IV. locus ubi cepit. V. quis eam oppugnaverit. VI. exiguis aliqui coetus, qui paulatim alii accidentibus crescere coeperit : nam illa omnia invenimus in ipsa Christi Ecclesia, qua tamen non fuit nova Ecclesia, sed solum mutatio quædam status Ecclesiæ secundum Prophetarum predictiones. Primo enim scimus, auctorem fuisse Christum, unde Christiani dicimus. Secundo copisce tunc explicite credi nova dogmata Trinitatis, et Incarnationis. Tertio copisce ista praedicari anno 43 Imperii Tiberii Cæsaris. Quarto copisce in Judea. Quinto mox oppugnatam fuisse hanc religionem a Scribis et Phariseis, deinde a Gentilibus summa vi. Sexto scimus, initio fuisse multo pauciores Christianos, quam essent Iudei, cum separatio facta est. Si ergo in hac mutatione status ejusdem Ecclesiæ illa sex ostendi possunt, multo magis eadem poterunt demonstrari in quavis perfecta mutatione. Jam vero nos illa omnia, de singulis hæreticorum sectis facilime demonstramus. Nihil autem horum adversarii unquam de nostra Ecclesia post Apostolica tempora demonstrare poterunt.

Ac ut exemplis rem illustremus. Ariano, auctorem scimus fuisse Arium quemdam Presbyterum Alexandrinum. Nestorianorum vero Nestorium, Episcopum Constantinopolitanum. Lutheranorum autem Martium Lutherum presbyterum, et Monachum ordinis sancti Augustini.

Secundo scimus, quæ dignata invenerint. Arius enim docuit Filium Dei esse creaturam. Nestorius in Christo esse duas personas. Lutherus justificari homines persolam fidem specialem, id est, per hoc solum, quod se justos putent : item negavit Eucharistiam esse sacrificium.

Tertio scimus tempora. Cœpit enim Ariana heresis anno Domini 344. Nestoriana anno 431. Lutheranorum anno 1517.

Quarto scimus loca. Cœpit Arianismus in Egypto. Nestoriana heresis in Thracia. Lutherana in Saxonie.

Quinto scimus, Arianos mox oppugnatos fuisse a Sylvestro Pontifice, a Concilio Nicæno, ab Athanasio, Hilario, et aliis. Nestorianos a Pontifice Coelestino, Concilio Ephesino, Cyrillo, aliusque permuluis. Lutheranam a Leone X Pontifice, a Concilio Tridentino, ab Academis omnibus Catholicis, et Doctoribus plurimis.

Sexto scimus, initia harum heresum valde exigui fuisse, et multo plures initio separatione sine comparatione fuisse Catholicos toto orbe terrarum diffusos quam erant Ariani, Nestoriani, vel Lutherani, quod ne ipsi quidem negant.

Quod vero nihil horum de nobis ostendere possint, perspicuum est; nam Primo, numquam objecerunt nobis auctorem nostrae sectæ, nec ab illo particuliari homine nos appellaverunt, quod certelibentissime facerent si possent.

Secundo, nunquam ostenderunt primam originem illius dogmatis nostri; imo Centuriatores in singulis Centuriis, cap. 4. circa finem, annotant, qui auctores defenderint nostra dogmata, que nunc ipsi oppugnant, nec originem inventiunt, nisi tempore Apostolorum. Nam etiam Justinum, et Ireneum numerant inter nostros fautores: quo constat proxime insecurtos Apostolorum tempora. Et c. 5. in singulis Centuriis enumerant omnes hereses cuiusvis seculi, et qui restiterint, nec unquam annotarunt aliquam heresim exegitam a Romanis Pontificibus, sed potius omnes hereses ab illis condemnatas. Nunc quidem nobis multas hereses objiciunt. Nam Tilmannus Hesibus scribit librum de sexentis heresibus Papistarum, sed ille hereses, exceptis mendacibus Tilmanni, sunt antiquissima dogmata, quod vel ex Centuriis, facilmente probari posset. Nam Illyricus nostra dogmata in omnium Patrum libris inventi; sed in Patribus vocat naves, in nobis hereses, scilicet, haec est astuta Adversariorum; ut ostendant nos esse extra Ecclesiam, nostra dogmata vocant hereses: ut non videantur ipsi separati ab Ecclesia Patrum, eadem dogmata in illis vocant naves.

Tertio, numquam designare potuerunt tempus certum nostræ defectionis ab Ecclesia. Dicunt quidem post primos quingentos annos cœpisse valde invalescere hanc sec-

tam, tamen quando cœperit, absolute numquam dixerunt.

Quarto, numquam ostenderunt, quo loco cœperit, nam post primos quingentos annos floruit Gregorius, cum quo totum orbem terrarum communicasse, ex epistolis ejus, quas ad omnes provincias mittit, cognosci potest. Item post Gregorii obitum celebratum est Concilium VI generale, ex quo manifeste colligitur, totum Orientem, et Occidentem, eo tempore cum Romano Pontifice, ut membra cum suo capite, conjuncta fuisse.

Quinto, numquam ostenderunt, quis eam oppugnaverit, tamquam nuper ortam; et quæ Concilia contra eam celebrata fuerint. Objiciunt quidem Concilium Constantinopolitanum sub Copronymo, quod videtur fuisse generale, et damnavit imagines, quas Romani defendebant. At non fuit hoc verum generale Concilium, cum non haberet illum verum Patriarcham. Præterea istud Concilium non damnavit dogma tunc exortum, sed dogma antiquum, et in tota Ecclesia receptum; nam non statuit, ut non reciparetur cultus imaginum, sed ut aboleretur, et ut imagines e templo auferrentur. Vide Cedrenum, Zonaram, et Paulum Diaconum.

Sexto, non potest ullo modo ostendi, quod unquam nostra Ecclesia separaverit se ab aliquo majore; ita ut qui adhæabant Romanæ sedi, essent paucissimi, reliqui Christiani multo plures; nam ex epistolis B. Gregorii, quis scribat ad Episcopos Orientis, Africæ, Hispanie, Gallie, Italie constat omnes fere Christianos cum eo communicasse.

Hoc argumento ab antiquitate semper usi sunt veteres Pates contra hereticos, ad ostendendam veram Ecclesiam. Tertullianus libro de præscript: « Qui es tu, inquit, unde, et quando venisti? Ubi tandem latuisti? » Optatus I. II contra Parmenianum: « Vestra, inquit, cathedra originem ostendite, qui vobis vultis sanctam Ecclesiam vendicare. » Hilarius lib. VI de Trinitate ante medium. » Tardie mihi, inquit, hos plissimos Doctores ætas nunc hujus saeculi protulit. Seru hos habuit fides mea, quam tu erudiisti, magistros, inauditum ego his omnibus in te credi etc. » Hieronymus in epist. ad Pammachium, et Oceanum: « Quisquis, inquit, assertor es novorum dogmatum, quæso te, ut parcas Romanis auribus,

parcas fidei, quæ Apostolico ore laudata est. Cur post quadringentos annos docere nos niteris, quod ante nescivimus? Usque in hanc diem sine vestra doctrina Christianus mundus fuit. » Et lib. contra Luciferianos in fine: « Ex hoc ipso, inquit, quod posterius instituti sunt, eos se esse indicant, quos futuros Apostolus praenuntiavit. » Denique Augustinus lib. contra epistol. fundamenti, cap. 4. antiquitatem infer notas Ecclesie posit.

Ad hoc argumentum quatuor adferunt solutiones. Primo, respondet Calvinus lib. IV Inst. cap. 2, §. 3, non posse ex antiquitate invictum argumentum dicu. Nam Ismael fuit senior quam Isaac, et tamen dictum est: ejice ancillam, et filium ejus. At Ismael non fuit figura falsa religionis, sed solum Testamenti veteris quod erat bonum, et a Deo: Sed quia status hominum ejus testamenti erat servorum, qui timore ducentur, debuit ei succedere testamentum novum perfectius, ad quod pertinent liberi, qui ducentur amore. Galat. IV: « Scriptum est, quia Abraham duos filios habuit etc. quia sunt per allegoriam dicta, hec enim sunt duo Testamenta etc. (1). »

Secundo dicunt, non posse ostendti de nostra Ecclesia, quo tempore, quo loco, per quem auctorem precise cœperit etc. non quod revera non sit nova, sed quia non facta est simul ista mutatio, sed paulatim irreseparabili errore non advertentibus, imo etiam dormientibus pastoribus. At etiam alia mutationes non facta sunt tota simul, sed paulatim, ut patet de Luthero, qui initio non negabat nisi indulgentias etc. et tamen sciens de singulis, quando, et quomodo ortae sint. Præterea Matth. XIII non dicuntur zizania nata dormientibus hominibus, sed seminata dormientibus hominibus; mox autem nata apparuisse, et cognita fuisse. Quomodo igitur nostra hereses per mille ferme annos detecte non sunt? Sane non solum pastores, sed etiam Deus valde dormivisset, si per tot sæcula numquam excitasset aliquem, qui istis erroribus resisteret. Et delendum esset ex Evangelio illud: « Ego vobiscum sum usque ad consummationem saeculi (2). »

Tertio dicunt, quod licet non possit ostendi, quando cœperit initium hujus depravationis, tamen posse ostendti, quando insignis mutatio facta est. Nam initio anni 600 Papa in Antichristum aperte mutatus est, quando

videlicet Romanus Pontifex obtinuit a Phoca Imperatore, ut caput Episcoporum diceretur, et quando aperuit Pantheon templum omnium Deorum. Ita docent Magdeburgenses Centur. VII, cap. 1. et concordant plerique ad adversariorum. Nam etiam Theodosius Bibliander in tabulis sua Chronologia initio anni 600 ponit apparitionem Antichristi, id est, Papæ; et Lutherus in supplicatione temporum, vult S. Gregorium fuisse ultimum Papam; et passim Calvinista, et Lutherani, usque ad primos 500, vel 600. annos extendent Ecclesia puritatem.

At in primis post annum 670, dia post tempora Phoca celebratum est Concilium VI generale, quod adversarii ut sacrosanctum recipiunt; ut patet tum ex aliis, tum ex Confessione Tigurinorum, et ex Centuriis Magdeburgensis; In ea autem Concilio præcepit pars fuerunt Romani Pontificis Agathonis; Nam ejus sententiam per legatos et epistolam ipsius explicatam, omnes secuti sunt, ut etiam prolixe describunt Centuriatores Cent. VII, cap. 9. Vel ergo Papa nondum erat Antichristus, vel tota Ecclesia, et sanctum generale Concilium Antichristum venerata et secuta est.

Præterea falsum est, quod Phocas primus tribuerit Romano Pontifici nomen capitilis Ecclesie. Nam Justinianus senior, qui fere centum annis fuit ante Phocam in epistola ad Joannem II Papam disertis verbis vocat eum caput omnium Ecclesiarum. Et hoc idem habetur in epistola ejusdem Joannis II responsiva ad Justinianum, ubi Papa repetit summam litterarum Imperatoris, et habetur ultra epistola in Codice lib. I, tit. 1, leg. 4 et 6. Nec id ignorabant Centuriatores. Num Cent. VI, cap. 10, col. 670. meminerunt legi quarte Codicis, quæ ex epistola Joannis Papæ sumpta est. Itaque contra conscientiam suam mentiuntur.

Præterea ante tempora Justiniani Concilium Chalcedonense in ep. ad Leonem vocat eum caput omnium Episcoporum. Et ipse S. Leo serm. 1. de sanctis Petro, et Paulo, sic Romanum alloquitur: « Per sacram B. Petri sedem caput orbis effecta latius presides religione divina, quam dominatione terrena. » Et infra: « Minus est, quod tibi bellicus labor subdidit, quam quod pars Christiana subjecit. » Phocas igitur non primus hoc nomine tribuit Romano Pontifici, sed primus

(1) Galat. IV, 22. — (2) Matth. XXVIII, 20.

compescuit superbiam Episcopi Constantiopolitani, qui se Romano Pontifici sequare volebat.

Ad illud de Ecclesia, quæ dicitur Pantheon, dico primo, argumentum esse contra adversarios. Nam Dan. XI legimus, Antichristum pugnaturum contra omnes Deos, et solum in occulto adoraturum Deum Maozin, et II. Thess. II dicitur elevaturum se ipsum supra omne, quod dicitur Deus. Ergo si Papa aperuit templum omnibus Deis, hoc ipso non est Antichristus. Præterea antequam templum Pantheon consecraretur Deo in memoriam omnium Sanctorum, iam erant Roma tempora S. Petri, Pauli, Laurentii, Sebastiani etc.

Sed objicit Melanchton in Confessione et Apolog. art. 21. invocationem Sanctorum non fuisse ante Gregorii tempora; ergo tunc cœpit. Respondeo, mendacium esse. Nam plurimi Patres, et in iis Ambrosius in lib. de viduis, meminerunt invocations Sanctorum: sed de Antichristo, et invocatione Sanctorum suis locis fuisse disserimus.

Quarto, respondet Calvinus in pafat. In sit, suam Ecclesiam non esse novam, sed antiquissimam; immo illam ipsam, quam Christus fundavit, tamen non esse visam per multa saecula, et nunc demum apparuisse. At contra est argumentum quod facit B. Augustinus contra Donatistis lib. III de Baptismo, cap. 2. aut ista Ecclesia, quæ nunc apparuit, antea perierat, et nunc resurrexit; aut non perierat, sed tantum latuerat, et nunc exultit caput. Non Primum, quia tunc non potuerint renasci ipsi, si mater perierat. Si perit: « Unde ergo, inquit, B. Augustinus, Donatus apparuit? de qua terra germinavit? ex quo mari emersit? de quo celo ecceidit? » Et præterea false erunt promissiones Christi, Matth. XVI: *Porta inferi non prævalebit adversus eum.* Et Matthei ultimo: *Ego vobissem sum usque etc.* (1) Non Secundum, quia tunc vel ista Ecclesia latens profitebatur suam fidem, vel non profitebatur; si profitebatur, ergo non erat latens, sed manifesta: et si manifesta, quomodo nemo advertebat? Quomodo non capiebantur, et coercabantur ab inquisitoribus, qui longo tempore ante Lutheri statem esse cœperunt in Ecclesia? Quod nullum vestigium, nulla memoria eorum exstat? Si autem non profitebatur fidem, sed vere et pro-

prie latebat, (quam partem ipsi defendere coguntur) ergo illa non fuit Ecclesia, ac proinde nulla fuit in mundo vera Ecclesia. Nam ut ipsi dicunt, confessio fidei est nota vera Ecclesia: et Rom. X: *Ore confessio fit ad salutem* (2).

Præterea si ita est, quomodo apparente Luther, et Calvinista latebant, debuissent multi prædicante Luther, et Calvinista cognoscere socios suos, et ad eos curare etiam non vocati, at non ita factum est; Nam omnes fere qui sunt Lutherani, et Calvinisti, fatentur se antea fuisse ex nostris, et nihil cogitasse de nova illa doctrina. Imo Lutherus ipse fatetur, se aliquando non fuisse Lutheranum, sed Monachum Catholicum, et Missas celebrasse per quindecim annos serio, ac devote. Vide librum de Missa angulari, vel Joannem Cochleum in actis Lutheri anni 1534. Item lib. II Lutheri contra Zwinglium, vel Septicipitem Joannis Cochleai, cap. 24.

Denique, si ita Ecclesia latisset, ut Calvinus dicit, sequeretur Ecclesiam Christi fuisse pejorem, et miseriorem omni secta hæretica, et ipso etiam populo Iudeorum post versionem Hierosolymæ; quod certe est blasphemum, cum Deus per Prophetas passim prædictæ gloriæ Ecclesia, et pollicetur se cum ea semper futurum. Quod illud sequatur, patet; nam omnis hæretica secta habuit sua tempora, suos Episcopos, sua Sacramenta. Et similiter Iudei post eversam Hierusalem semper habuerunt aliquantitas Synagogas, ubi liberè exerceretur suas carencias, ut patet ex Gregorio li. VII, epist. 5. nee unquam coacti sunt generaliter adorare Deos alienos. At Ecclesia, quam latenter habuit Calvinus, per annos fere mille, nulla habuit tempora, nulla sacra, nullos Episcopos, nee habuit unum angulum terra ubi liberè exerceretur actus Religionis sue, et quod pejus est, coacta est servire Diis alienis, adorare idola, sacrilegias communicare, quæ est horribilior, et longior captivitas quam unquam fuerit Iudeorum; immo est Ecclesia deformior ipsis ruinis Synagoga.

videtur Leo serm. I. de SS. Petro et Paulo, cum ait: « Non minuitur persecutionibus Ecclesia, sed augetur, et semper Dominicus ager segete diuore vestitur, dum grana, quæ singula cadunt, multiplicata nascentur. »

Quamvis autem hæretici hujus temporis non concedant nostram Ecclesiam 1577 annis durasse, concedunt tamen durasse sine ulla interruptione a Gregorio I. hucusque, id est, annos fere mille. Quod tempus etiam si solum esset, adhuc esset longius, quam fuerit ætas illius hæresis. Sed tamen falsum est non diutius durasse; ipsi enim non possunt ostendere per ultam historiam, aut veterum scripta, factam esse mutationem religionis in Ecclesia Romana tempore S. Gregorii.

Deinde nostram Ecclesiam esse veram Ecclesiam probari potest etiam hoc argumento; nam ante Lutheri tempora, non erant in mundo, nisi ha religiones, Paganismus, Judaismus, Mahometismus, Grecismus, Nestorianismus, Hussitarum hæresis, et Romana Ecclesia. Sed certum est non fuisse veram Ecclesiam Christi apud illarum ex predictis sectis, ut etiam Lutherani fatentur, ergo fuit apud Romanam Ecclesiam, aut certe perit de mundo omnis vera, et visibilis Ecclesia; quod non posse fieri, supra docimur. At vero sectæ omnes hæreticæ brevi defecerunt praeter eas, quæ nunc exortæ sunt.

Refert Theodoreus in lib. de hæreticis fabulis, septuaginta sex diversas hæreses usque ad sua tempora extortas; et libro III ejusdem operis testatur omnes illas extintas fuisse, paucissimis exceptis. Augustinus in lib. de hæresibus numerat 88 hæreses, ex quibus plurimas perirent testatur in expositione Psalm. LVII. Nos numeramus usque ad tempora Lutheri 200 hæreticorum diversissimas familias: ex his autem non supersunt, nisi reliquæ quedam Nestorianorum, et Eutychianorum in Oriente; et Hussitarum in Bohemia; reliquæ omnes funditus interierunt. Et mirabilis valde est in hæc re providentia Dei, quod fuerint hanc tenus usque ad Lutheri tempora, ut minimum 200 hæresiarchæ, quorum multi habuerunt multis Episcopos, multis Ecclesiæ, multis potentissimos Patronos, et Imperatores, et Reges, et scripserunt libros innumere-

(1) Math. XVI, 10; XXVIII, 20. — (2) Rom. X, 10.

(1) Dan. II, 44; Act. V, 38 et 35; II. Tim. III, 9.

rables, ut viderentur numquam posse defini-  
cere; et tamen ita defecerunt, ut jam non  
supersint nec ipsi, nec libri eorum, nec dog-  
mata, nec nomina, aut vestigia ultra, nisi in  
libris Catholicorum. Itaque si Catholici non  
scripsissent eorum nomina in suis libris, ne-  
sciremus quidem eos fuisse unquam in hoc  
mundo.

Quam firmis radicibus nixa videbatur ha-  
resis Ariana temporibus Athanasi et Hilas-  
tri? At nunc ubi, queso, est? Evanuit velut  
pulvis, quem proicit ventus a facie terre.  
Ante annos ducentos regnabat in Gallia ha-  
resis Albigensium, que praefer vires doctri-  
ne, magis abundabat copias militum, et poten-  
tia, quam nunc haeresis Calvinistarum, ut  
cognoscit potest ex lib. VI Pauli & Emilii de  
rebus Gallorum; et tamen ubi nunc sunt Al-  
bigenses? Quotusquisque est, qui eos vel no-  
minari audierit?

Porro Lutherani vix nati arescere coep-  
erunt: coepit regnum Lutheri anno 1517; sed  
vix septem annos pacifice regnavit. Nam an-  
no 1525, surrexit Zwinglius, et post duos  
alios annos surrexerunt Anabaptistæ, qui  
majorem partem Lutheranorum a Lutheri  
separatum ad se traxerunt. Qui vero manse-  
runt Lutherani, ita immortarunt Lutheri doc-  
trinam, ut vix illi jam inveniantur puri Lu-  
therani. De quo graviter conqueritur Illyricus  
in praefationibus omnium Centuriarum.

Sed nec Zwinglius dum regnavit. Nam anno 1538 surrexit Calvinus, qui ita brevi in-  
valuit, ut vix paucam quadam oppida Helveti-  
orum Zwinglianis reliquerit. Ipsi quoque  
Calvinistæ per Libertinos in Gallia, per Tri-  
nitarios in Polonia, et Samosatenos in Tran-  
sylvania, quotidie magis ad paucitatem re-  
diguntur.

Porro Calvinus, ut erat sagax, regnum  
suum non fore diuturnum prævidit et pre-  
dixit in praefatione Catechismi Genevensis,  
quem ad Ministros in Friesia Orientali misit:  
« De posteritate, inquit, ego sic sum anxius,  
ut tamen vix cogitari audeam. Nisi enim  
mirabiliter Deus e celo succurserit, videre  
mihi video extrema barbarem impen-  
dere orbi. Atque utinam non paulo post sen-  
tiant filii nostri fuisse hoc verum potius va-  
cinium, quam conjecturam. » Que Calvini  
anxietas satis aperte declarat sectam ipsius  
rem esse plane humanam, non spiritu Dei,  
sed industria quadam, atque artificio huma-

no excoxitatam, ac denique longissime ab-  
esse a spiritu ejus, qui dixit: *Super hanc pe-  
tram edificabo Ecclesiam meam, et portæ in-  
feri non prevalebunt adversus eam* (1).

Centuriatores quoque in praefatione se-  
cunda Centuriæ idem vaticinantur de suo  
Lutherismo: « Maxima, inquit, in doc-  
trina variationes, et inclinations impendere  
videntur; et sic mercenari hominum peccata,  
que flunt in dies atrociora. Ac tempora qui-  
dem Germanici Propheta Martini Lutheri,  
cujus voce et ministerio lux Evangelii quasi  
et tenebris Egyptiacis revocata est, prope-  
modum Apostolorum statim respondent. Nunc  
vero ipso sublatio, quasi alteram Evangelii  
atatem ingressi sumus, ubi plures phanta-  
sticae incipiunt pullulare, et paulatim regna-  
re. » Et in praefatione Centur. V, postquam  
ostenderunt præciosos articulos de libero  
arbitrio, de fide justificante, de bonis ope-  
ribus, non defendi amplius a Lutheranis plu-  
ris Lutherice, sed Papistice, subiungunt: « Peritum jam, idque repente, veritas pafeta-  
ta. Philosophia, Papismus et aliae sectæ  
longe lateque in templo Dei primam cathe-  
dram occupant. »

Concludimus ergo cum S. Hieronymo in  
extremo Dialogo adversus Luciferianos:  
« Brevem, inquit, apertamque animi mei  
sentientiam proferam, in illa esse Ecclesia  
permanendum, quæ ab Apostolis fundata,  
usque ad diem hanc durat. » Et cum S. Au-  
gustino lib. de utilitate credendi, cap. 47.:  
« Dubitabimus, inquit, nos illius Ecclesia  
concedere gremio, quæ ab Apostolica sede  
per successiones Episcoporum frustra hæ-  
retices circumlatrantibus culmen auctoritatis  
obtinuit? »

## CAPUT VII.

### Nota quarta.

Quarta nota est Amplitudo, sive multi-  
tudo, et varietas credentium. Ecclesia enim  
vere Catholica non solum debet amplecti  
omnia tempora, sed etiam omnia loca, om-  
nes nationes, omnia hominum genera. Sic  
enim explicat, quid sit esse Catholicum, Vin-

(1) Matth. XVI, 18.

centius Liricensis in suo communiorio, ubi  
dicit, eos proprie esse Catholicos, qui tenent  
id, quod semper, quod ubique, quod ab om-  
nibus creditum est. Et sic prædictum erat  
Psal. II: *Dabo tibi gentes, hereditatem tuam,  
et possessionem tuam, terminos terræ.* Et Psal.  
LXXI: *Dominabitur a mari usque ad mare*  
etc. (1) Et Dominus ipse Luc. ult. et Act. I,  
dicit predicandum Evangelium in omnes  
gentes initio facto a Hierusalem.

Sunt autem aliqua observanda, antequam  
ex hac Nota argumentum deponamus.  
Primum est ex Augustino lib. de unitate Ec-  
clesie, cap. 6. et Beda in cap. VI Cant. ut  
Ecclesia sit Catholica, in primis requiri, ut  
non excludat ultra tempora, loca, vel homi-  
num genera; in quo distinguitur a Syna-  
goga, quæ erat Ecclesia particularis, non  
Catholica, qui erat alligata uni tempori, id  
est, usque ad adventum Messiae, item uni  
loco, id est, templo Salomonis, extra quod  
non poterant sacrificare; et uni familiæ, id  
est, filiis Jacob.

Secundo, nota ex Augustino epist. 80. ad  
Hesychium, ut sit Ecclesia Catholica, non  
requiri, ut sit in omnibus locis totius mundi,  
sed tantum, ut innotescat omnibus provinci-  
is, et in omnibus fructificet, ita ut in om-  
nibus provinciis aliqui sint de Ecclesia; Do-  
nec enim hoc fiat, non veniet dies Domini,  
ut patet ex Matth. XXIV.

Tertio ex Driedone lib. IV, cap. 2. par. 2.  
de Eccles. dogmat. nota, non requiri, ut hoc  
fiat simul, ita ut uno tempore in omnibus  
provinciis necessario esse oporteat aliquis  
fideles: satius enim est, si fiat successive. Ex  
quo id sequitur, quod si sola una provincia  
refineret veram fidem, adhuc vere et pro-  
prie diceretur Ecclesia Catholica, dummo-  
do clare ostenderetur, eam esse unam et  
eandem cum illa, que fuit aliquo tempore,  
vel diversis in toto mundo, quemadmodum  
nunc qualibet Diocesis dicitur Catholica,  
qui est continuata cum aliis, quæ faciunt  
unam Ecclesiam Catholicam.

At, inquit, hoc est incidere in errorem  
Petilianum, et Donatistarum, qui dicebant, Ec-  
clesiam quidem fuisse in toto orbe, sed pos-  
tea periisse, ex omnibus provinciis, et in  
sola Africa remansisse, quos Augustinus re-  
prehendit Psalm. CI, conc. 2. Respondeo,  
Donatistas errasse in duobus. Primum, quod  
veleant, Ecclesiam tantum fuisse in Africa,

(1) Psal. II, 8: LXXI, 8.

eo tempore, quo manifeste in toto mundo  
adhuc fructificabat. Secundo, quod suam  
Ecclesiam Africam non poterant conti-  
nuare cum illa, quæ in toto orbe fuerat; nam  
in illa semper fuerunt boni et mali, ut Au-  
gustinus probat, ipsi autem non volebant  
nisi bonos.

Ultimo, nota, quod esti Ecclesia non ne-  
cessario debuit simili esse in omnibus locis,  
tamen hoc tempore debet necessario vel es-  
se, vel fuisse in majori parte orbis terra.  
Nam Ecclesia omnium consensu, etiam ha-  
rietorium, jam senuit; si ergo in sua ado-  
lescentia et juventute non crevisset, quomo-  
do nunc in senectute cresceret? Oportet  
igitur, ut jam creverit, atque occupaverit, si  
non totum orbem terrarum, at certe magnam  
partem.

Jam vero nostram Ecclesiam maximam  
partem orbis occupasse, et esse vere Catho-  
licam, ita probatur. Nam tempore Apostolo-  
rum in toto mundo fructificare coepit, ut  
Paulus dicit Cor. I. Item tempore Irenei  
erat sparsa per totum orbem, id est, per  
omnes provincias tunc cognitas, id quod  
ipse refert lib. I, cap. 3. Idem postea refert  
de suo tempore Tertullianus lib. contra Ju-  
dæos, cap. 3. Idem postea Cyprianus lib. de  
unitate Ecclesie. Idem postea Athanasius  
de humanitate Verbi. Idem postea Chrys-  
ostomus et Hieronymus in cap. XXIV Matt.  
et Augustinus in epist. 78 et 80. ad Hesyc-  
chium, neenon Theodoretus in lib. de legi-  
bus, et Leo Magnus serm. I. de sanctis Pe-  
tro et Paulo, ac S. Prosper, qui in lib. de  
ingratias, ita cœcinit:

Sedes Roma Petri, que pastoralis honoris,  
Facta caput mundo, quidquid non possidet  
armis,  
Religione tenet.

Sed hec fortasse non negabunt adver-  
sarii. At nos idem ostenderemus de posteriori-  
bus temporibus. Tempore B. Gregorii Eccl-  
esiæ nostræ fuisse in toto orbe terrarum,  
planum est, ut supra etiam adnotavimus ex  
epist. ipsius Gregorii ad Episcopos Orientis,  
Africæ, Hispanie, Gallie, Anglie, Sicilie.  
Item ex Beda in cap. VI Canticorum, neenon  
ex Bernardo, qui disputans coram Rego Si-  
cilia Rogerio, asserbat, Romane Pontifici  
suo tempore paruisse Orientem et Occiden-

tem totum, item Franciam, Germaniam, Angliam, Iberos, et plurimas barbaras nationes. Vide vitam S. Bernardi lib. II, cap. 7.

Denique, nostro tempore Ecclesia Romana prater Italianam et Hispaniam totam, prater Galliam fere totam, praeferat Germaniam, Angliam, Polonię, Bohemiam, Hungarię, Graciam, Syriam, Athiopiam, Agyptum, in quibus multi inveniuntur Catholici, in ipso novo orbe habet Ecclesias sine administratione hereticorum, in omnibus quatuor partibus mundi; ad Orientem, in Indiis; ad Occidentem, in America; ad Septentrionem, in Japonia; ad Meridiem, in Brasilia, et exteriore parte Africae. At secta heretica nunquam totum orbem, aut certe dimidiam ejus par tem occuparunt.

Secta Mahometi, cum heresis Nestorii et Euthycheti, que adhuc videntur in Oriente, nunquam ad Occidentem transierunt. Hereses autem Lutheranorum nunquam transierunt mare, nec Asiam, aut Africam, Agyptum, aut Graciam viderunt. Ex quo intelligimus illustrè esse mendacium, quod habetur in principio prefationis Concordie Lutheranorum, anno 1580 edita: dicunt enim, Confessionem Augustanam in toto orbe terrarum percrebuisse, et in ore et sermone omnium esse expissę. At ex tribus partibus orbis terra, duas majores, Asia et Africa, nec nomen hujus Confessionis audiuerunt. In Europa multæ provinciæ: ut tota Græcia, Italia, Hispania, vel nesciunt quid sit Confessio Augustana, vel exercantur; Gallia, Helvetia et Britania, non recipiunt, nisi nomine tenus; immo rara est civitas, que ab una aliqua secta heretica tota possideatur. Et quamvis videantur heretici hoc tempore magnam partem Septentrionis obtinere, tamen non tenentur omnia illa loca ab una secta, sed a plurimis, que inter se non minus pugnant, quam nobiscum.

Itaque pulchre August. in lib. de pastor. cap. 8. docet, Ecclesiam esse ubique, et heresim ubique. Sed Ecclesiam esse unam et eamdem ubique, hereses autem non easdem, sed diversissimas, que se invicem non noverunt, et proinde nullam earum esse Catholicam. Quocirca recte eas comparat sarmenitatis præcisis, quæ ubi cadunt, cum praeciduntur, ibi manent. Cum interim Ecclesia tanquam vita viva, ubique palmites suos extendat. Hinc etiam ipse passim hoc argumento uitur, ut lib. contra epist. fundam.

cap. 4. et de utilitate credendi, cap. 14 et 17. et alibi.

Neque sperare possunt heretici, sectam suam aliquando occupaturam esse totum orbem: Nam non debet nunc incipere Ecclesia crescere, cum jam senuerit, ut supra diximus. Et si Augustinus absurdissimum censuit, quod heresis Donatistarum post annum Domini 300 ex Carthaginę esset propaganda in omnem terram, libro de unitate Ecclesiae, cap. 14 et 15. quanto magis absurdum erit nunc post annum 1577 Heresim Lutheranam vel Calvinianam ex Wittembergia vel Geneva in omnem terram esse diffundendam?

## CAPUT VIII.

### Nota quinta.

Quinta nota est Successio Episcoporum in Romana Ecclesia ab Apostolis deducta usque ad nos; hinc enim dicitur Apostolica. Ac propterea omnes veteres hac successione, tanquam arguento evidentissimo usi sunt ad veram Ecclesiam ostendendam. Irenaeus lib. III, c. 3. enumerat Episcopos Romanos a Petro, usque ad Eleutherium, qui suo tempore sedebat. Ac dicit, 'per hanc successionem confundi omnes hereticos. Tertullianus in lib. de prescript. : 'Cedant, inquit, heretici origines Ecclesiarum suarum, evolvant ordinem Episcoporum suorum, ita per successionem ab initio decurrentem, ut primus ille Episcopus aliquem ex Apostolis, vel Apostolicis viris haberuit auctorem et antecessorem. Hoc enim modo Romanorum Ecclesie Clementem a Petro ordinatum referit.' » Confligunt tale aliiquid heretici. Eusebius in historia et in Chronicō, et Hieronymus ac Prosper, qui Chronicum Eusebii continuarunt, diligentissime annotant successionem Romanorum Episcoporum, ut inde continuatio Ecclesie manifesta sit. Epiphanius heres. 27. que est Corporatis, enumerat ordine Pontifices Romanos, et subiungit: « Et ne quis, inquit, miretur, quod tam exacte singula recensemus. Per haec enim semper claritas ostenditur. » Optatus Milevitani. lib. II contra Parmenianum, enumerat omnes Romanos Pontifices a Petro usque ad Siricium, qui tunc se-

## CAPUT VIII.

### 375

debat, ut ostendat non esse Ecclesiam apud Donatistas, qui per similem successionem ad Apostolos ascendere non poterant, et subdit: « Vos, inquit, vestre cathedra originem ostendite, qui vobis vultis sanctam Ecclesiam vendicare. »

Denique Augustinus in epist. 163. ad Geronimus, ad euudem finem enumerat Pontifices Romanos a Petro usque ad Anastasiū, qui tunc sedebat. Et in Psalmo contra partem Donati: « Numerate, inquit, Sacerdotes, vel ab ipsa sede Petri, et in ordine illo Patrum, quis cui successerit, videte. Ipse est petra, quam non vinctum superba inferorum portet. » Et lib. contra epist. fundamentali, cap. 4: « Tenet me, inquit, in Ecclesia ab ipsa sede Petri Apostoli, cui pascendas oves suas Dominus commendavit, usque ad presentem Episcopatum successo Sacerdotum. »

Si ergo veteres tanti fecerunt ad veram Ecclesiam ostendendam continuationem 12, vel 20, vel 40 Pontificum, quanti nos facere debemus continuationem non interruptam Pontificum 200 et amplius? presertim cum videamus defecisse alias Apostolicas sedes, Antiochenam, Alexandrinam, et Hierosolymitanam, in quibus posteaquam a Persis, vel Saracenis, ea loca Romanis adempta sunt, quod accidit ante annos 900, aut nulla, aut obscurissima fuit successio. Et in ipsa urbe Roma toties mutata esse formam temporalis dominii, nunc Imperatoribus, nunc Regibus Gothorum, nunc Exarchis Graecorum, nunc etiam Consulibus, sive justi, sive injuste dominabitur, et ipsam urbem aliquoties eversam, et tamen sedem Petri nunquam defecisse, neque eversam fuisse, sed immobilem semper permansisse.

Sed ut vis hujus argumenti melius intellegatur, aliisque notanda sunt. Primum est, non posse ullo modo Ecclesiam esse sine Pastoriis et Episcopis, ut recte docet Cyprian. in epist. 9. lib. IV, ubi dicit, Ecclesiam esse plebem Episcopo adunatam, et Episcopum esse in Ecclesia, et Ecclesiam in Episcopo. Quare Hieron. in lib. cont. Luciferianos: « Ecclesia, inquit, non est, quæ non habet Sacerdotes. » Id quod aperte probatur ex Paulo Ephes. IV: « Et ipse dedit quosdam quidem Apostolos, quosdam autem Prophetas, alios Pastores et Doctores ad consummationem Sanctorum, in adificationem corporis Christi, donec

(1) Eph. IV, 11 et 12. — (2) Act. XX, 28.

occurredamus omnes etc. (1) Ubi docet Apostolos, futuros pastores in Ecclesia usque ad diem iudicii; Tunc enim occurremus Domino in unitate fidei, in virum perfectum, in mensuram etatis plenitudinis Christi. Esse autem Episcopos Pastores hujus gregis, docet idem Apostolus, apud Lucam Act. XX: Attende vobis et universo gregi, in quo vos Spiritus sanctus posuit Episcopos regere Ecclesiam Dei (2). Sed nec Lutherus id negat, quin potius in lib. de Ecol. et Conc. inter notas Ecclesie ponit, habere veros pastores. Ex quo sequitur, eam non esse veram Ecclesiam, quæ aut nullos, aut non veros habet pastores.

Not secundo, illos solos in Ecclesia semper habitos fuisse veros Episcopos, qui ab Apostolis per legitimam successionem et ordinationem descendisse ostendebantur. Omnes autem alios fures et latrones, quippe qui non per ostium intrassent, sed ascenderint aliunde: Nam constat, Christum, a quo Ecclesia novi Testamenti cepit, duodecim Apostolos tantum elegisse Episcopos et Sacerdotes, et eis commisso omnem auctoritatem pascendi et gubernandi Ecclesiam; Apostolos autem postea elegisse atque ordinasse alios Episcopos, et eis tradidisse similiem potestatem, alios deinceps ordinandi: Id quod ex historiis non solum antiquis Eusebii et similium, sed etiam ex ipsis Centuriis Magdeburgensium aperte ostenditur. Et hinc est quod Paulus, qui extra ordinem Apostolus a Christo post ascensionem in colum factus est; non fuisset agnitus in Ecclesia pro tali, nisi prius in Ecclesia baptizatus fuisset, et ab Apostolis dexteritas accepisset; immo et ab illis ordinatus fuisset, ut patet ex Act. IX et XIII et Gal. I. Itaque sic ut in populo Testamenti veteris, qui per carnalem generationem propagabatur, nulli erant de populo illo Dei, nisi qui descendebant a duodecim filiis Jacob; nulli Sacerdotes, nisi qui descendebant a Levi per Aaron. Et idcirco diligentissima tunc conservabantur genealogie, ut patet ex toto veteri Testamento: ita in populo Testamenti novi, qui spirituali generatione multiplicantur, nulli sunt Christiani, nisi per Apostolos, vel eorum successores, aut ab eis missos, conversi; nulli sunt Christiani, nisi per Apostolos, vel eorum successores, aut ab eis missos, conversti; nulli Episcopi, nisi qui eisdem legitime